

مطبعه و محل اداره :

جغياں اوغلندہ امنيت
صندوغي جوارنده
شنکول يقوشنده
۲۵ نومبرو

مشتاق

اظہار :

مسلكمزموافق آثار
جدیدہ مع الممنونيه
قبول اولنور

درج ایدلمہین آثار اعاده اولنماز

دیر ، فلسفہ ، علوم ، حقوق ، ادبیات ، تاریخ ، و سیاسیات و بہ الخاصہ احوال و شئون اسلام و دین و بحث ابد و ہفتہ در ہر نشر اولنور .

آبونہ بدلی

صاحب و مؤسسری :

درسعادتدہ نسخہ سی ۵۰ پارہ در

ابوالعلا زین العابدین - ح . اشرف ادیب
تاریخ تأسیسی

قیرلہ دن مقوا بورو ایلہ کوندریلیرسہ سنوی
۲۰ غروش فضلہ آلنیر

۱۰ تموز ۳۲۴

سنہ لکی	التی آیلانی	غروش
ممالک عثمانیہ ایچون	۶۵	۳۵
روسیہ	۶۵	۳۰
سائر ممالک اجنبیہ	۱۷	۹

آلتیجی جلد

۲۰ ربیع الاخر پنجشنبہ ۷ نیشان ۳۲۶

عدد : ۱۳۷

التجريد الصريح
لاحادith الجامع الصحيح

۱۴۸ - حديث شريف

عن ابى موسى رضى الله عنه ان النبي صلى الله عليه وسلم
دعا بقدر فيه ماء فغسل يديه ووجهه فيه ومج فيه .
متن بخاريه : ثم قال لهما اشربا منه وافرغا على
وجوهكما ونحوكم كما . زياده سى در وارد .

۱۴۹ - حديث شريف

عن عائشة رضى الله عنها قالت لما ثقل النبي صلى الله عليه
وسلم واشتد به وجعه استأذن ازواجه ان يمرض [۱] في بيتي
فاذن له . فخرج النبي صلى الله عليه وسلم بين رجلين تخط
رجلاه في الارض بين عباس ورجل آخر . فكانت [۲]
عائشة تحدث ان النبي صلى الله عليه وسلم قال بعدما دخل
بيته [۳] واشتد [۴] وجعه هريقوا [۵] على من سبغ قرب
لم تحلل او كيتهن لعلى اعهد الى الناس . فاجلس [۶] في مخضب
لحفصة زوج النبي صلى الله عليه وسلم . ثم طفقنا نصب عليه تلك
[۷] حتى طفق يشير اليها ان قد فماتن . فخرج [۸] الى الناس .
[۱] الله كي بخاري نسخه لرنده (في ان يمرض) . [۲] الله كي بخاري
نسخه لرنده (وكانت) . [۳] بر روايتده (بيته) . [۴] بر روايتده
(واشتد به) . [۵] بعض رواياتده (هريقوا) . [۶] ديكر رواياتده
(واجلس) . [۷] الله كي بخاري نسخه لرنده (من تلك القرب) . [۸] الله كي
بخاري نسخه لرنده (ثم خرج) .

۱۵۰ - حديث شريف

عن انس رضى الله عنه ان النبي صلى الله عليه وسلم [۱]
دعا باناء من ماء فأتى بقدر حراح فيه شئ من ماء .
فوضع اصابعه فيه . قال انس فجعلت انظر الى الماء ينبع من
اصابعه [۲] فخرزت من توضاً منه ما بين السبعين الى الثمانين .
[۱] الله كي بخاري نسخه لرنده (ان رسول الله صلى الله عليه وسلم) .
[۲] الله كي بخاري نسخه لرنده (من بين اصابعه) .

۱۵۱ - حديث شريف

وعنه رضى الله عنه قال كان النبي صلى الله عليه وسلم [۱]
يفتسل [۲] بالصاع الى خمسة امداد ويتوضاً بالماء .
[۱] بر روايتده (كان رسول الله صلى الله عليه وسلم) . [۲] ديكر
روايتده (يغسل) .

۱۴۸ - ترجمه

ابو موسى (الاشعري) رضى الله عنهم روايت اولونيوركه (بر
دفعه) نبى محترم صلى الله عليه وسلم ايچنده صو بولنان برقاب ايستدى .
الارنى ، يوزنى ايچنده بيقادقندن صوكره قابك ايچنه (آغزندن صو)
پوسكوردى .

۱۴۹ - ترجمه

عائشه رضى الله عنها ك شويله ديدىكي روايت اولونيور :
نبى محترم صلى الله عليه وسلمك (خسته لنى) آغزلا شوبده
اغرابسى اشتداه ايتديكى زمان بنم اومده باقلمق اوزره زوجات
(طاهرات) نندن اذن ايستده . اونلرده اذن ويرديلر . (آندن صوكره)
نبى اكرم صلى الله عليه وسلم برطرفنده عباس (رضى الله عنه) ، ديكر
طرفنده ديكر بر ذات اولدينى حالده آياقلى يرده سوروكلنه رك
چيقدى . — عائشه (رضى الله عنها) حكايه ايدردى كه نبى اكرم صلى الله
عليه وسلم اوينه كيروبده آغرابسى اشتدادايتد كندن صوكره : « اوزرمة
باغى چوزولمك يدي قربه صودوكك . (بويله لكه) خلقه بلكه وصيت
ايد بيليرم » بويوردى . بونك اوزرينه نبى مكرم صلى الله عليه وسلمك
زوجه (پاكي) حفصه (رضى الله عنها) نك (مالى اولان) بر لكن
ايچنده اوطوردلدى . صوكره اوقربه لك صوينى اوزرينه دوكمكه
باشلادق . نهايت : « آرتق اولدى » ديه اشارت بويوردى . آندن صوكره
خلقك ياننه چيقدى .

۱۵۰ - ترجمه

انس (بن مالك) رضى الله عنهم روايت اولونيوركه :
نبى اكرم صلى الله عليه وسلم (بركره) برقاب صو ايستده .
ايچنده بر آرز صو بولنان آغزى كنش برقاب كتيرلدى . پارماقلى
ايچنه قويدى . — انس (رضى الله عنه) ديركه : « آرتق پارماقلى
آره سندن صويك قايناديغنى تماشايه طالدم . اوصودن آبدست آلانلرى
يتمش ايله سكسان آره سنده تخمين ايتدم .

۱۵۱ - ترجمه

ينه انس رضى الله عنهم شويله ديدىكي روايت اولونيور .
نبى مكرم صلى الله عليه وسلم برصاع ونهايت بش مد [۱] (مقدارى
صو) ايله غسل ايدر ، برمد (مقدارى صو ايله) آبدست آلرايدى .
[۱] (صاع) بش رطل يفا ادى ايله بر ثلث رطل استيعاب ايدن قابه
دينور . بر (مد) ده برصاعك ربى مقداريدر .

۱۵۲ - حدیث شریف

عن سعد بن ابی وقاص رضی الله عنه عن النبی صلی الله علیه وسلم انه مسح علی الخفین وان عبدالله بن عمر رضی الله عنهما سأل عمر عن ذلك . فقال نعم . اذا حدثك شیئاً سعد عن النبی صلی الله علیه وسلم فلا تسأل عنه غیره .

۱۵۳ - حدیث شریف

عن عمر و بن امیه الضمری رضی الله عنه انه رأى النبی صلی الله علیه وسلم [۱] یمسح علی الخفین .
[۱] بر روایتده (رسول الله صلی الله علیه وسلم)

۱۵۴ - حدیث شریف

وعنه رضی الله عنه قال رأیت النبی صلی الله علیه وسلم یمسح علی عمامته وخفيه .

۱۵۵ - حدیث شریف

عن المغيرة بن شعبه رضی الله عنه قال كنت مع النبی صلی الله علیه وسلم فی سفر فاهویت لآترع خفيه . فقال دعهما فانی ادخلتهما طاهرتین . [۱] فمسح علیهما .
[۱] دیگر روایتده (ادخلتهما وهما طاهرتان) ، بر دیگرنده ایسه (فانی ادخلت القدمین الخفین وهما طاهرتان) .

۱۵۶ - حدیث شریف

عن عمر و بن امیه رضی الله عنه انه رأى النبی صلی الله علیه وسلم [۱] یحتر من كتف شاة [۲] فدعی الی الصلاة فالتی السکین [۳] فصلی [۴] ولم يتوضأ .

[۱] بر روایتده (رسول الله صلی الله علیه وسلم) . [۲] مؤلفك دیگر محله کی روایتده (یا کل منها) زیاده سی وارد . [۳] ینه . مؤلفك دیگر محله کی روایتده (فالفاهما والسکین) . [۴] دیگر روایتده (وصلی) .

۱۵۷ - حدیث شریف

عن سويد بن النعمان رضی الله عنه انه خرج مع رسول الله صلی الله علیه وسلم عام خیر حتی اذا كانوا بالصهباء وهی ادنی خیر فصلی [۱] العصر . ثم دعا بالازواد فلم یؤت الا بالنسویق . فامر به فثری فاکل رسول الله صلی الله علیه وسلم واکلنا [۲] ثم قام الی المغرب فمضمض ومضمضنا ثم صلی ولم يتوضأ .
[۱] دیگر روایتده (نزل فصلی) . [۲] بر روایتده (وشربنا) زیاده سی وارد . بر دیگرنده ایسه (فلکنا واکلنا وشربنا) .

۱۶۲ - ترجمه

سعد بن ابی وقاص رضی الله عنک شویله دیدیکی (عبدالله بن عمر رضی الله عنهما دن) روایت اولونیور :
نبی اکرم صلی الله علیه وسلم مستلر (ی) اوزرینه مسح ایتمدی . عبدالله بن عمر رضی الله عنهما بونی (باباسی) عمر (رضی الله عنه) دن صوردی ده عمر (رضی الله عنه) : « اوت (مسح ایتمدی) . (همده) سعد (رضی الله عنه) نبی اکرم صلی الله علیه وسلم دن روایت سکا برشی سویلرسه اونی آرتق باشقه سنه صورمه « جوابی ویردی .

۱۵۳ - ترجمه

عمر و بن امیه الضمری رضی الله عنهما نبی اکرم صلی الله علیه وسلم مستلر (ی) اوزرینه مسح ایتمدیکنی کوردیکی روایت اولونیور .

۱۵۴ - ترجمه

ینه عمر و بن امیه الضمری رضی الله عنک : « نبی محترم صلی الله علیه وسلم صاریغنه و مستلر (ی) مسح ایتمدیکنی کوردم « دیدیکی روایت اولونیور .

۱۵۵ - ترجمه

مغیره بن شعبه رضی الله عنک شویله دیدیکی روایت اولونیور :
بر سفرده نبی اکرم صلی الله علیه وسلم ایله برلکده ایدم . (آبدنت آلدینی صرده) مستلرینی چیقارمغه طاوراندم . « ایلشمه . زیرا بن آیقلرمی طاهر (یعنی آبدستلی) ایکن (مستلرمک) ایچنه سوقدم « بویوردی و (مستلری) اوزرینه مسح ایتمدی .

۱۵۶ - ترجمه

عمر و بن امیه (الضمری) رضی الله عنهما روایت اولونیورکه :
نبی اکرم صلی الله علیه وسلم پیشمش بر قویون کورکندن (ات) کسوب بیدیکنی کورمش . (اوصرده رسول الله صلی الله علیه وسلم) نمازه چاغیرلمش . اوده ییچاغی (الندن) آتوب آبدست آلمدن نمازه طورمش .

۱۵۷ - ترجمه

سويد بن النعمان رضی الله عنک شویله دیدیکی روایت اولونیور :
خیر بیلنده رسول الله صلی الله علیه وسلم ایله برلکده (سفره) چیققدق . صهبایه - که خیرک آلت باشنده در - وارلدقده (رسول الله صلی الله علیه وسلم اینوب) ایکندی پی قیلدیردی . صوکره (موجود) آزیقلری ایستهدی . قاووددن باشقه برشی کتیرمدیلر . ایضلا تسونلر دیه امر ایتمدی . صوکره (او قاووددن) رسول الله صلی الله علیه وسلم بزه بیدک . صوکره آقسام نمازینه قالدی . آغزینی چالقادی . بزه (آغز مزی) چالقادق . صوکره آبدست آلمدن نمازه طوردی .

۱۵۸ - حدیث شریف

عن میمونۃ رضی اللہ عنہا ان رسول اللہ صلی اللہ علیہ وسلم [۱] اکل عندها کتفا ثم صلی ولم يتوضأ .

[۱] الہ کی بخاری نسخہ لرنده (ان النبی صلی اللہ علیہ وسلم) .

۱۵۹ - حدیث شریف

عن ابن عباس رضی اللہ عنہما ان النبی صلی اللہ علیہ وسلم [۱] شرب لبنا فضعض وقال ان له دسما .

[۱] الہ کی بخاری نسخہ لرنده (ان رسول اللہ صلی اللہ علیہ وسلم) .

۱۶۰ - حدیث شریف

عن عائشة رضی اللہ عنہا ان رسول اللہ صلی اللہ علیہ وسلم قال اذا نعل احدکم وهو یصلی فلیرقد حتی یدھب عنه النوم . فان احدکم اذا صلی وهو ناعس لا یدری لعلہ یستغفر فیسب نفسه .

۱۵۸ - ترجمہ

میمونہ رضی اللہ عنہا دن خاہہ سندہ رسول اللہ صلی اللہ علیہ وسلمک برکورك (اے) ندن پیدکدن سوکرہ آبدست آمدن نمازہ طور دینی روایت اولونیور .

۱۵۹ - ترجمہ

(عبداللہ) بن عباس رضی اللہ عنہما دنک شویله دیدیکی روایت اولونیور: نبی اکرم صلی اللہ علیہ وسلم سود ایچوب آغزینی چالقالادی . و «بویاغیدر» بویوردی .

۱۶۰ - ترجمہ

عائشہ رضی اللہ عنہا دن رسول اللہ صلی اللہ علیہ وسلمک شویله بویوردینی روایت اولونیور:

بریکز نماز قیلارکن او یوقلارسه او یوقوسی کیدنجیہ قدر یاتسون . زیرا او یوقلایہرق نماز قیلارسه استغفار ایدیم دیرکن بلکہ کندیہ سب ایدر .

احمد نعیم

سلامت و معیشت

تصحیح اعتقاد

یوقاریکی فصلار مزده روحک بر واسطه ایله فقط کندی فطرته ملایم کله جک بر واسطه ایله لوٹ او هامدن تطہیری لزومنه دائر برقاج سوز سویلنمش ایدی کہ او واسطه علوم صحیحہ دن بشقہ برشی دکلدی؛ کذلک روحک سرعایتی تدقیق ایتمشیک کہ اوسر روحی بتون تمایلاتندہ قانون اعتداله منقاد بولندیرمقدن عبارت ایدی . شمدی بزم ایچون یالکیز سماعت روحیہ نک مہیتی ، برده روحک مدار اطمشانی اوله جق سرکزی الکلامق مسئلہ سی قالور .

کوزیمزک اوکنده بر جوق آدمار وارکہ صحتلری ، ثروتلری پرندہ کندیلری علم و عرفان ایله تہذیب ذات ایتمش ایکن ینہ : صیقتی ایچندہ وقت کجریورلر ؛ راحت یوزونی کورمیورلر . لئانڈ عالمدن هیچ برلہ ملئذ اوله میورلر . نظر لرنده هر نعمت ؛ برالم هر فرح بر مصیبت صورتندہ تجلی ایدیور . قلبلرینک اوزرینہ برکابوس مالک چو کدیکنی حس ایدیورلر . لکن بوکا بوسک زهدن ، نہ صورتہ کلدیکنی اکلا یه میورلر . اوله برکابوس کہ تضیق لئندن قورتلحق ایچون پیمانہ شراب ایله عقلی کیدرمکدن بشقہ چاره بوله میورلرده اوسبدن کثوله جان آتیورلر . ایچکی بوله مدقلری صورتندہ یانوب یا قلیورلر . چونکہ دوا ی یکانہلری اودر .

پک اعلا سماعت انسانیه نک ایکی بیوک مداری اولان [چونکہ اوله دیورلر] صحت ایلثروت وارکن بوصیقتیلر ، بو او یوقوسنراقلر زهدن کلیور ؛ قلبلری امراض مغنویہ دن شفایاب ایتدیکی ظن اولنان

علم ایله تنور ایتدکدن صکرہ بویاچ صیقتیلری ، بو وجدان اوزنتیلری نہ اولیور ؛ بوملال درونی بزه شو حقیقی اکلاتیورمی کہ : روح برغایتہ مشتاقدر ؛ انسان او غایتی علماً بیلمسه بیله حساً دویمقدہ ، انارینی کورمکده در ؛ بو غایت نہ اوله وجودک صحتی ، نہ مالک ، اولاد و عیالک کثرتی ، نہ محنتم کاشانہلر ؛ نہ مدبدب سفره لر ، نہ چنک و چغانہلر ، نہ عیش و نوش سفیانہلر اولیوب بونلرک کافہ سندن بشقہ بر مہیتدر کہ شو صایدیغمز لئانڈ اوکا نسبتله ناچیز بر ذره ، حتی بوتون کائنات اونک یاننده بر هیچدر !

پک اعلا ! روحک ازلدن بری شیدای اشتیاقی اولدینی ذوق سکون و اطمینانی انجق اونک حریم بلندندہ بوله بیلدیکی غایت عجبا نہدر ؛ هیچ شہسز صفوت ایماندر .

ایشته سزہ دلیل :

روح شو اجسام جامده طبیعتده ، شوبی شعور ماده طینتندہ دکلدر کہ بو محقر طوپراق اوزرنده کی اشپادن بریلہ انس پیدا ایدہ بیلسین ؛ یا خود اونک لئانڈ قانیہ سندن بریلہ او یالانہ بیلسین ، روح صرف نورانی بر فطرته اولدینی ایچون انجق نورایله انیس اوله بیلور . زیرا پیشکاهندہ آمادہ طوران جهان لاهوتی تماشایہ مانع ظلمات کثیفہ نک صریلوب کیتمی ، روحک علائق ماسوادن یوکسلرک حریم ملکوتہ طوغری عروج ایدہ بیلمسی ایچون بویله برنورہ احتیاج قطعیدر .

روح حظوظ جسمانیہ ایله او یالانق ، او حظوظک و برہ جکی نشوؤ زائلہ راضی اولمق درک لرندن پک عالیدر . انسان جمع مال ایله ، تأمین رفاه ایله بر حضور قلب ، بر سکون وجدان بولیورم دیہہ کنیدیسی ایستدیکی قدر آلدانسین طورسون ؛ روح او حضور و سکونک باشقہ بر شیدہ اولدینی سویله مکدن بر آن بیله کری قالماز .